

[FLASH NOTES]

STHAPHYLOCOCCUS

يعنى إيه strain الأول لازم تسأل نفسك يعنى إيه
باللغة العربية يا ولاد؟؟

:strain

يعنى سلالة طب موقعها إيه دى ؟؟ يعنى لما أقول عندى Organism اسمه Staph.

Aureus يبقى يعنى إيه Strain؟؟

هى دايمًا عنوان ال Chapter هيبقى اسم ال Genus,

إنتو عارفين إن المملكة ال Kingdom بتاع أى كائن بيبدأ ب Kingdom وبعدين نقسم لحد ما

نوصل ل Family ودى تنقسم ل Genus وكل genus يبقى Species وكل species يبقى

Strain.

إحنا كدا انتو كدا كل فرد فيكو اسمه strain لما اتجمعتموا جمعتكموا صفات مشتركة يعنى

جمعكم يوم السبت فى هذا المكان فى مجموعة واحدة عشان تدرسوا Microbiology

أصبح اسمكم Species طب ما فيه بردو ناس شبهكم طلبة كلية الطب فى سنة 3 بس

موجودين فى مكان قريب أوى وبيأخدوا Pharma يبقى هم species وانتو species و

species كمان جمعكم إنكم فى 3 يبقى انتو اسمكم Genus طب 1, 2, 3, 4, 5 و6 كلية

الطب يبقى انتم Family يعنى هكذا إحنا بنقسم العائلة فى البكتريا.

ال Family بتنقسم ل Genus, كل genus يتقسم ل Species, كل Species يتقسم ل

Strain يعنى السلالات.

النقطة دى عايزها تبقى واضحة ومفهومة فى ذهنكوا.

هقولها لكم تانى عشان تفهم اللى جاى

يعنى مثلاً لو قلت ال Kingdom بتاعتنا هى جامعة القاهرة فيها كليات مختلفة يبقى دى ال

Family كلية الطب واحدة منهم فيها 1, 2, 3, 4, 5, 6 يبقى دى ال Genera يبقى سنة 3 ده

Genus فى ال Family بتاعت كلية الطب, طب سنة 3 قىها ناس بيدرسوا فارما وناس

بيدرسوا ميكرو يعنى لو قلنا السبت دلوقتى انتو متجمعين تأخدوا ميكرو فى الأوضة اللى

جنبنا فى ناس متجمعين يأخدوا فارما فى أوضة تالته فيه ناس عند إيهاب بياخدوا

Pathology يبقى دى Species يعنى إذا سنة 3 تنقسم لمجموعات طب انتو كمجموعة ك

Species بقى 3 كلية الطب طلبة الميكرو مش كدا مانتوش فرد واحد إنتم مجموعة أفراد

يبقى كل فرد اسمه Strain.

يبقى ال Strain هو السلالة فى وسط ال Species اللى هى تتجمع Species مشتركة وتعمل

Genus لو اتجمع Genera متشابهة تدى Family, وضحت!!

أنا ليه طيب بقول كدا ؟؟

أنا بقول كدا عشان يوصلك مفهوم إن Staph. Aureus مش معناها فرد واحد,

Staphylococcus يعنى genus

ال Staphylococcus يعنى 30 Species

VISIT...

LANZAROTE
Caliente.COM

يعنى لو قلت أهو ال Staphylococcus دى كلية الطب فيها أولى وتانية وتالته فيها 30 different Species من ضمنهم Species اسمها Staph. Aureus واضح, يبقى فيه species ولا هيبقى اسمها Staph. Aureus صح؟! البعض بقى بيقراً Staph. Aureus دى على إنها مفرد على إنها بكترياية واحدة اسمها Staph. Aureus هى اللى عاملة كل اللى بنشرحه دا, إطلاقاً دا ال Staph. Aureus دى Strains يعنى أفراد مختلفين مش كدا طب يوم ما أوصل ل Disease معين وال disease دا حصل فى شكل Outbreak يعنى وباء متفشى, يعنى دخلتم تاكلوا فى مطعم جالكم Food Poisoning ناس دخلو يعملوا عمليات جالهم Wound Infection يا ترى مين ال Staph اللى عملتلهم المشكلة دى؟ واحد يقولى Staph. Aureus أقوله أيوه اللى عمل الكلام دا فرد ينتمى ل Staph. Aureus لكن هو مين أنهى فرد يعنى أحمد ولا محمد ولا سمير ولا هبة ولا ميرنا ولا مين؟؟ مين الفرد فى عائلة ال Staph. Aureus اللى عمل الكلام دا؟؟ يقول هو تفرق؟؟ أقوله فى العلاج مش هتفرق, فى العلاج أنا وصلت ل Diagnosis وعرفت إن ال Staph. Aureus هى اللى عاملة المشكلة والعلاج مش هيفرق,

أمال يفرق فى إيه إنك تعرف ال Strain نفسه الفرد نفسه؟؟

إن أنا أتتبع ال Source of infection عشان كدا البكتريا اللى تنتشر فى شكل Outbreak دايمًا يتبع ال diagnosis هذا العنوان. خدوا بالكم هذا العنوان ميهمش المريض يعنى يوم ما أجى التحليل للمريض أقوله إنت عندك Staph. Aureus وعلاجك كذا يللا مع السلامة أنت, لكن أنا باخد ال Organism اللى طلع عند المريض وأكمل دراسة أعمل إيه؟؟ أشوف دا which strain أنهى نوع ليه أشوف النوع دا جالى منين. يبقى الكلمة اللى قالها مصطفى وسمير أهو To trace the source of infection

طب وأنا محتاج أتابع ال source of infection فى كل حالة؟؟

يعنى كل مريض جاله خراج أشوف مصدر العدوى !!! فى حالة ال Outbreak لما يكون حصل تفشى, يعنى هما حالتين متسجلين عنابر الجراحة لما يحصل نسبة عمليات جراحية ويخرج المرضى كلهم بعد كدا عندهم infection فى ال wound أو فى ال Food Poisoning لما ناس يخشوا ياكلوا فى مطعم ويخرجوا كلهم عندهم Diarrhea أو Vomiting أو Food Poisoning لذلك هنا يهمنى أعمل Strain Typing

وهيبقى ال Strain Typing مطلوب to trace the source of infection يعنى مش لغرض علاجي للمريض لغرض Epidemiology اللى هو كلمة epidemiological دى يعنى الطب الوقائى.

الطب الوقائي:

فى وزارة الصحة يعنى إن أنا أعرف مصدر العدوى وعشان إيه أعرفه وأتبعه وأعرفه هو مين وأتفادى حدوث مزيد من الحالات, دى مسئولية ما يعرف ال branch فى وزارة الصحة اللى اسمه فرع الطب الوقائى, يبقى هدفه دائماً تتبع الحالات ومعرفة ال Source of infection ومنع مزيد من الحالات.

أهو دا بقى المقصود ب Epidemiological studies of outbreaks يعنى الجملة الأسهل To trace the source of infection in case of outbreaks اللى هى فى الحالة دى Organism اللى إحنا بندرسه واللى هى usually بتبقى حالاتين شهيرتين حالات ال Food Poisoning وحالات ال Surgical Site infection اللى هو ال Infection اللى يحصل فى الأماكن الجراحية.

إيه هى وسائلك لل Strain Typing؟؟

عندى 7, 8 طرق أعمل بيهم Typing وأعرف بيهم ال Strain بص كدا معايا امشى طريقة طريقة أهو

Colony Morphology

يعنى شكل ال colony بتاعت ال Organism طلعت على ال media شكلها إيه. لو ال Colony بتاعت ال Staph. Aureus طالعة قطرها 1 mm مثلاً وشكلها regular و Convex ولونها golden yellow, لو بنى أدم عنده ال Colony طلعت أكبر من 1 mm و Flat مش Convex تبقى مش هيه, يبقى ممكن أضاهاى, هقارن شكل ال Colony. ادى إحدى طرق ال Typing إن يكون ال Colony اللى طلعت عند المريض هى نفسها اللى طلعت عند المتهم, هو دا اللى بينقلهم ال Infection.

Biotyping

كلمة Bio يعنى ال Biological و ال Biochemical properties يعنى ال Staph طلعت Catalase positive و Coagulase +ve وبتعمل كذا وبتعمل كذا, ها ال Biological ليها صفات معينة, طب دى عند المرض مين من العمال عنده Staph ليها نفس المواصفات ال Biochemical.

يبقى يضاهاى ال Biological وال Biochemical properties. اللى أنتم أخذتوها وسهلة عليكم أوى خدناها فى العمل ال Phage typing.

Phage Typing

ال Staph اللى طلعت عند المرضى Sensitive to phage فى المثال حتى نمرة 52, 80, 52A, مثلاً بيعملوا ال Lysis لل Staph دى, يبقى ال Staph اللى هيطلع عند المرضى مين فى عمال المطعم أو عنبر الجراحة عنده Staph. Aureus بتكون Sensitive لنفس أنواع ال Phage دى بالضبط.

يا ولاد هنا ال Strain typing معناها إن أنا اشتغلت مخبر مباحث مش دكتور لقيت بصمة فى مسرح جريمة, طب ما كلكم عندكم بصمات, مين البصمة بتاعته تطابق البصمة اللى

لقيتها في مسرح الجريمة؟؟
 اهو لقيت Organism عند المرضى مين من العمال أو الكاترة أو اللي شغالين في المكان اللي حصل فيه الوباء دا اللي عنده نفس ال Organism وله نفس النوع نفس البصمة، فكلمة Strain Typing يعني Finger Printing بشوف ال Organism اللي عند المرضى واشوف مين من العمال اللي عنده نفس ال Organism يبقى هو دا اللي وصل ال Organism للمرضى دول، ويبقى الهدف هنا مش العلاج الهدف هنا إني أ Prevent حدوث مزيد من الحالات.

طب إيه طرق تانية لا Typing غير ال Phage Typing ال Plasmid Analysis.

Plasmid Analysis

لقيت Staph جواها نوع معين من ال Plasmid دا عند المرضى طب مين من العمال عنده Staph جواها نفس النوع من ال Plasmid، يبقى المضاهاة بأى صفة من الصفات. بصوا كدا تاني.

RiboTyping

ال RNA له Sequence معين لقيت ال Staph عندها RNA معين في حنة معينة دايمًا يشوفوا الحنة اللي اسمها 16S Ribosomal Subunit ليها Sequence معين، طيب مين عنده Staph جواها نفس ال Sequence؟؟
 يبقى ال RiboTyping معناها مضاهاة ال RNA.

Chromosomal Analysis with PCR

بصوا مسبناش صفة من صفات البكتريا مستخدمناها في المضاهاة لأن كل بكتريا ليها صفات خاصة بيها، صح !!
 يبقى بصيت على شكل ال Colony بتاعها، على ال Biochemical Activity بتاعها، على ال Phage Typing، على ال Plasmid Profile، على ال RiboTyping، على ال Chromosomal Analysis، و different methods. فيه كمان طريقة لا Typing بس مش مكتوبة هنا في ال Staph ربما لأن ملقناهاش نافعة أوى هي:

ال SeroTyping.

يعنى إيه؟؟

ال Staph عليها Certain Antigen طب مين شخص عنده ال Staph اللي عايتها نفس ال Antigens فبلقينا ال Antigens بتاعت ال Staph مش كتيرة أوى للتمييز فمبستخدمش ال SeroTyping في ال Staph لكن ممكن أستخدمها كوسيلة Typing اخرى في أى Organism آخر.

إدًا عندى 7، 8 طرق أقدر أميز بيهم البكتريا عن بعض وأعرف مين متسبب في ال Disease ده، القصة دى اسمها SeroTyping، واحد يقولى ماشى أنا فاهم الكلام

بس هيسألنى عليه إزاي؟؟

إحنا في آخر السنة هنجيبك حاجة اسمها Clinical case:

تعالى نفترض سيناريو كذا لل Case كنت بدأتها لكم الحصة اللي فاتت.
ناس راحوا Wedding Party أو Birthday Party طبعًا فى حفلات الخطوبة أو أعياد الميلاد
الناس بتاكل إيه؟؟

جاتوه يعنى Carbohydrate Rich Food حلو
هتيجوعلى الساعة 2 a.m بالليل بقا بعد الحفلة ما خلصت، شوف بقا ماقولتلكش بعد كام
ساعة قولتلك أكيد الحفلة هتبدأ 8 أو 9 أو 10 بالليل على الساعة 2 a.m يبقى انت حسبت
من ساعة ما كانوا فى الحفلة على 2 a.m فات 4 ساعات 5 ساعات يعنى within 1-6
hours

وهم كانوا واكلين Cake بعضهم جاله Vomiting وبعضهم جاله Diarrhea مع
Abdominal Discomfort

لما راحو ال Outpatient Clinic العيادات ولا راحو مستشفى فى ال Emergency فى
الطوارئ لقوا ال Blood Pressure بتاعهم 120/80 مبقولكش كلمة normal بقولك أرقام
وال Body Temp. بتاعتهم كانت 37 نستنتج إنه No Fever صح؟؟!

مرضتش اقولك إنه No Fever عشان مبقاش بشاورلك وأقولك دى Staph Food
Poisoning يبقى إنت استنتجت إنه Carbohydrate و Short Incubation فى خلال ست
ساعات ومكنش فيه Fever والأعراض كانت Mainly يا Vomiting يا Diarrhea بس.

يبقى تفكر إيه ال Provisional Diagnosis بتاعك، التشخيص المبدأى بتاعك يكون إيه؟؟
Staphylococcus Food Poisoning

طب مين ال Virulence factor عند ال Organism اللي انت شكيت فيه إنه عمل الحالة
دى؟؟

etc..... Enterotoxins

إيه ال mechanism of action بتاعته؟

بيشتغل as a super antigen

افضل أسألك بقى وبعدين فى الآخر اقولك:

How to trace the source of infection in this case? Mention 4 different
methods

. اهو شفت هتقولي بتسأل ازاي، بتتسأل فى وسط case أو ال methods of strain typing
:include all the following except

a. colony morphology

b. biotyping

c. phagotyping

d. plasmid analysis

e. Gram staining

Gram staining لا يميز لأن هيطلعهم كلهم Gram +ve مش هيميز بينهم مثلاً مش كدة
اهه يبقى عندنا كذا وسيلة ممكن نعمل بيها سؤال.

ده معنى strain typing يعني معرفة السلالة بالتحديد اللي عملت infection عشان
 اقدر اقتفي أثرها واشوف مين مصدر العدوى في هذه الحالة، الكلام اللي يقولوا عمر مغبش
 عن ذهننا إن ممكن بكتيريا تفقد plasmid وممكن بكتيريا تكتسب plasmid فتقوم تغير
 من plasmid profile بتاعها بس الكلام ده يحصل over a period of time لكن أنا في
 الظروف دلوقتي حصل جريمة دلوقتي فأنا عايز أشوف المجني عليهم المرضى organism
 اللي عندهم جواه plasmid ولا لأ طب مين من العمال في نفس التوقيت أهو عنده نفس ال
 organism جواه نفس plasmid أهو إحدى الوسائل وعلى فكرة مش معنى إني بقولك
 7-8 طرق إنك عليك اتباعهم كلهم ده في كل ظرف طريقة أو اثنين على الأكثر وخلص
 عرفت خلاص مصدر العدوى مفيش داعي لأن كل الطرق دي مكلفة جداً على فكرة مفيش
 داعي نكلف الدنيا ونصرف على الفاضي طالما عرفنا مين هو مصدر العدوى بتاعنا

طبيب How to prevent staphylococcal infection

في الحقيقة معندناش vaccine للاستاف العنقري there is no vaccine
 prevention لو عندك طرق لمنع disease تشمل حتى vaccines بنقول
 عليها هنا، مفيش vaccines في staph aureus معندنا لوش vaccines آدي
 واحد، يبقى طريقة prevention تعتمد أساساً على إتباع hygienic
 measures

يعني إيه hygienic measures؟

الكلام اللي خدناه في infection وال control يعني أهو hand hygiene
 لأن ممكن أوي organism يكون موجود على hand اتفقنا إن في carrier
 state قد يكون شايل organism على الجلد hand hygiene في حد ذاته
 الدكتور لما يعمل hand hygiene كويس ويغسل إيدته between كل تعامل مع
 مريض ومريض هيتفادى نقل الstaph من نفسه للمريض، فالhand hygiene
 مهم جداً هنا،

وطبعاً aseptic techniques أثناء التعامل مع المريض،
 يبقى دي طرق محاولات منع disease بقدر الإمكان لكن مفيش vaccine
 للأسف مفيش طرق وقائية معينة أكثر من اللي بنقول عليه ده بالنسبة لل
 staph infection

طبيب How to treat staphylococcal infections

هتلاقى صفحة تقريباً treatment في آخر infection مجرد اسامي
 antibiotics مجرد إن يقولك ادي antibiotic الفلاني أو كلام من ده
 فمتركزش أوي بنسبها للpharma هما اللي بيعرفوك كل disease إيه
 أفضل antibiotic بتستخدمه اللي هو antibiotic of choice.

لكن لما يكون القصة فيها حوار بقى وفي أحداث حصلت ومشاكل ترتبت يبقى treatment مهم جداً:

زي الأحداث الي هتسمعها دلوقتي دي في قصة الstaph:

لما يكون abscess الناس بتتقعد تدي antibiotic للخراج وده مدخل غلط طالما حصل خراج وأنت عارف إن حواليه infection يبقى مينفعش إنني افضل أدي antibiotic ويخف لوحده مينفعش لأن لازم أعمل drainage يعني لازم أتدخل surgically أفتح وأنظف وبعدين ابقى أدي antibiotic عشان ميكونش حصل فيه invasion وانتشار للinfection

يبقى هنا بدي antibiotic آه بس إمتى؟

بعد ما أكون عملت surgical drainage يعني نظفت، فتحت عملت surgical interference تدخلت surgically فتحتة وفضيت pus ونظفت abscess تماماً وبعدين أبقى أدي antibiotic براحتي، لكن لما تشوف مريض عنده خراج متقعدش تدبيله antibiotic على الفاضي مش هيخف لأن خلاص بقى فيه fibrous tissue وبقى في dead tissue و damage حصل جوه مينفعش antibiotic يصلحه لازم تدخل جراحياً أدي واحد.

اتنين لما يكون في systemic infection:

والعيان بدأ يبقى عنده bacteraemia أو disseminated infection لابد إنك تدي antibiotic و even : تدي compound هنا في هذة الحالة antibiotic therapy تتدخل في الحال بس مادام هيجتاج antibiotic في الحالتين يبقى اهو يبقى لازم تفهم وتسمع القصة دي.

إيه كان ياما كان كان في زمان بكتيريا اسمها staph aureus وكانت sensitive لل penicillin أول ما اخترعوا penicillin كان كل staph aureus الموجودين يحترموا ال penicillin و sensitive ليه، مع مرور الوقت بدأت staph aureus تبقى يطلع منها مجموعة كده اسمها penicillin resistant staph aureus مالها المجموعة دي؟ اتفقوا على إنهم يقولك إيه أول ما ال penicillin ده يقرب منا مش إحنا عرفنا إنه β -lactam antibiotic نرش عليه β -lactamase enzyme، اهو ده mechanism of resistance في هذة المجموعة بت resist ال penicillin لأنهم بيقدروا β -lactamase ← أو penicillinase enzyme يقوموا بتغدوا بال penicillin قبل ما يتعشى بيهم بال cell wall بتاعهم، يعني يعملوا degradation ويكسروا ال penicillin قبل ما ال penicillin يعرف ال peptidoglycan synthesis بتاعهم، مش إحنا خدنا ال action of penicillin؟ حلو، بدأت المجموعة دي يبقى ليها رواد ومحبين وينضم إليهم شباب ال staph aureus لحد ما المجموعة دي وصلت لـ 90% من ال staph aureus يبقى معظم ال staph aureus دلوقتي تقريبا 90% من ال different strains يعني من أفراد ال staph aureus المختلفين أهم اجتماعوا على هدف واحد لا لل penicillin إزاي؟ β -lactamase enzyme أو penicillinase enzyme حلو أوي،

طبعاً المجموعة دي هيبقوا منتشرين أكثر في المستشفيات، علل؟

نظراً إن في المستشفى المكان اللي بيستخدم فيه antibiotic باستمرار، فالمكان ده سبق واتفقنا في الـ general في ch.8 إن بعمل حاجة اسمها mutation و selection يعني حتى لو أنا مش هبقى سبب الـ mutation

لو الـ drug مش سبب الـ mutation فالـ drug هيبقى سبب الـ selection يعني إيه؟

الـ drug هيموت الـ organism الـ sensitive يقوم الـ resistant يكثر وينتشر و replace الـ sensitive مع الوقت هلاقي كل البكتيريا... فأكترين لما قولتها الكوا، لو أنا اعتبرت نفسي مريض يبقى أنا نفسي شغال زي الـ filter إزاي؟

بصوا كده لو في الـ staph sensitive و الـ staph resistant في الهوا ده فوق أهو، قمت أنا باخد نفس باخد الإثنين الـ sensitive و الـ resistant مش كده؟ أنا باخد penicillin جوايا، يقوم الـ penicillin يموت الـ sensitive اللي دخلوا جوايا ويتبقى الـ resistant بس، اقوم أنا اطرده

الـ resistant بس، يبقى باخد الـ sensitive و الـ resistant أموت الـ sensitive و اطرده الـ resistant مع الوقت يبقى الهوا ده مليان resistant bacteria بس، يعني مع الوقت الـ resistant هيرplace الـ sensitive، يبقى أشهر هذة البكتيريا موجوده في أجواء المستشفى نظراً للإستعمال الكبير للـ antibiotics باستمرار الـ resistant strains للـ penicillin هيبقوا مازالوا semi-synthetic penicillin sensitive

مين يفكرنا يعني إيه semi-synthetic؟؟

رحت جايب الـ penicillin تعالى يابني إيه مشكلتك، قالك بيضربوا الـ β -lactam في الحته دي، طب تعالى رحنا عاملين modification في الـ β -lactam في الحته دي فطلع semi-synthetic penicillin قولنا إيه بقى modified antibiotic عملنا فيه chemical modification

modification عشان to achieve a desired property أنا عايزه يقاوم الـ β -lactamase رحت لاعب في الحته بتاعه الـ β -lactam فين موطن الضعف فين الحته اللي في الـ β -lactam اللي الـ penicillinase و الـ β -lactamase بضربوها لاقيناها روحنا عاملين فيها

modification (chemical modification) روحنا مطلعين semi-synthetic drugs اهه اسمها oxathillin والأشهر والأهم methicillin

يعني أنت خلصت مشكلة الحمد لله رب العالمين لما ألقى بكتيريا resistant للـ penicillin أديها methicillin في أجمل أو أسهل من كده!

راحت حبه بكتيريا منظمين مجموعة تانية وسموها methicillin resistant staph aureus

ودي مشهورة جداً على فكرة اسمها مجموعة الـ MRSA:

مجموعة في منتهى الأهمية مينفعش تبقى طالب في كلية الطب وخذت فارما وميكرو ومسمعتش عن العائلة دي، MRSA يعني Methicillin Resistant Staph Aureus واجتمعوا إيه يا رجالة ده عملولنا methicillin وإحنا هنستسلم؟! لأ تعالوا نشوف الـ methicillin بيشتغل فين

لقو الـ methicillin بيشتغل على receptor موجود على سطح الـ staph اسمه penicillin

binding protein

بصوا أنه أفكر كوا *staph aureus* أهيه:

سطحها عليه receptor اسمه (PBP) (Penicillin Binding Protein) لازم الpenicillin derivatives وال β -lactam receptor في الreceptor ده عشان يعرفوا الaction exert بتاعهم،

لو تفتكروا إنه بيمنعوا الlate steps of peptidoglycans synthesis صح الكلام؟
لما الstaph عرفوا المعلومة دي قالك بس إحنا عندنا receptor على الcell wall بتاعنا هو ده اللي إحنا بنتهاجم منه متيجوا يا رجالة modify the receptor :
يروحووا عاملين change في الPBP اللي هو الbinding site بتاع عائلة ال β -lactam antibiotics

فأصبحوا resistant لمين؟

مش للpenicillin بس ولا الmethicillin بس، resistant لكل ال β -lactam antibiotics بما في ذلك الcephalosporin وأي حاجة فيها ريحة ال β -lactam ومش بس كدة، إحنا لقيناهم multi-resistant to other antibiotics
في حاجة في الantibiotics اسمها cross-resistant يعني لما الorganism الdevelop الmechanism عشان يresist بيه مجموعة معينة ممكن يresist groups أخرى تكون related للمجموعة دي فمع الوقت لقينا إن الMRSA مش بس resistant للmethicillin حرف الM يعني Methicillin وأيضاً Multi-Resistant Staph Aureus ← multi
الحمد لله رب العالمين ربنا بعتلنا antibiotic اسمه vancomycin ده الglycopeptide بيشتغل على الearly steps of peptidoglycans synthesis يعني بيشتغل في مكان مختلف وبmechanism مختلف عن ال β -lactam بس ياما انت كريم يارب المنقذ اهو، وده سؤال في امتحان الMCQ يقولك empirically, blindly وإنت مغمض عينك :

لما تلاقي MRSA تختار الdrug of choice إيه؟

vancomycin ده empirically من غير ما اعمل تحليل لما ألقى عنده MRSA strain أروح مدي vancomycin في الحال، ياما انت كريم يارب، راحت الstaph عاملة مجموعة تالطة، نظمت مجموعة تالطة سموا نفسهم إحنا ال:

Vancomycin Resistant Staph Aureus

ودول طلع منهم مجموعتين:

*مجموعة حنينة شوية يسموهم Intermediate وأول حرف I يبقى اسمهم VISA يعني Vancomycin Intermediate-resistant Staph Aureus
*لكن فيه VRSA دول قلبهم قاسي أوي الR هنا يعني totally resistant أهو، يبقى يا إما intermediate resistance يا إما full resistant وصلوا لحاجة و20 في المية
طبعا هيطلع عليهم resistant اكيد ماهو اتم عرفتم المشكلة معانا في chapter 8 لما ناقشنا ال resistant لان ال antibiotic نفسه بيعمل mutation باعتبار انه مادة chemical وبعدين لما يعمل ال mutation ويصبح ال organism resistant ليه؟
بيعمله selection وبيقدمله خدمة رهيبة انه بيموتله ال sensitive اللي حواليه فيسمحله

انه ي grow & replace the sensitive الي كانو موجودين
 دي المشكلة الي احنا بنعانيها لما يكون ال organism رزل كده ويكون multidrug
 resistant كل لما تعمله antibiotic تلاقيه عمل مدخل يقاومه بيه
 في ال mcq احنا واعييين مش هنجيبك الاسمين دول في الاختيار وهقولك empirically لما
 يبقى العيان عنده MRSA يبقى انت هتختارله ايه empirically ها هتختار ايه؟! يبقى ال
 vancomycin لسه ال drug of choice.

: N.B

خلي بالك ال MRSA بيتعرف بالتحليل اني احط قرص Methicillin ألاقيه resistant ليه
 يبقى شخصته انه MRSA انا معملتش الباقي يعني معملتش بقيت ال susceptibility
 test اروح empirically هديلو ال Vancomycin لو متحسنش يبقى العيان ده VRSA or
 VISA

بردو لازم تبغو عارفين ان:

1. الأدوية الحديثة بتبقى أغلى
 2. mode of administration يكون أصعب قد يكون injection بس مفيش أقراص او
 حاجه
 3. لما تكتشف antibiotic جديد متجازفش باستعماله empirically لأنك هتنشره في
 المجتمع هيقوم ي develop resistant اسرع
- عشان كده ال treatment بتاع ال S.aureus مهم جدا مش مجرد أسماء مضادات حيوية
 ده انا بقا ممكن في الامتحانات النظرية اقولك S.aureus is resistant for
 Penicillin or Methicillin

او اجي اقولك 3 or 4 different mechanisms that S.aureus can resist Penicillin

ها قولي انت كده عالأقل عرفت طريقتين

B lactamase enzyme

تغير ال PBP الي هو ال Penicillin binding ptn

طب مين عنده احتمال تالت خدناه في ال general

Target elimination مش ال cell wall هو الي جايلي وجع القلب؟! اروح انا بقى ارمي
 ال cell wall بس لازم أتصادف وجودي في isotonic medium

كده خلصنا ال S.aureus

خدوا بالك بعد ما نقدم العيلة ناخذ most important members كل organism
 هناخده بتفاصيله هناقش فيه النقط كده زي ما شغتم في ال 7 S.aureus نقاط دايمًا
 نناقشهم

1. Morphology

Virulence factors .2

Diagnosis .3

Culture characteristics .4

Disease production .5

Prevention .6

Treatment .7

لما يكون بقا فيه minor organism في نفس العيلة هناخده سريعا كده

COAGULASE NEGATIVE STAPHYLOCOCCI

اهو تعالو كده 2 species في عيلة ال Staph ال يجمعهم انهم Coagulase negative افتكروا المقدمة قلنا ال coagulase enz. بيقسم العيلة الى Coagulase positive & Coagulase negative اللي احنا هنتكلم عليهم دلوقتي

بيسموهم CoNS اللي هي Coagulase Negative Staphylococci عشان لو سمعتوها لأن احنا مش بنستعملها كثير بس هي شائعة

افتكرو بقا ال Coagulase عملناه ازاي:

جنبنا ال plasma اللي هي مصدر ال fibrinogen وجبنا ال organism حطناه عليها وفضلنا كده نشوف كل شوية:

* لقينا ال plasma لسه fluid يعني ال organism معرفش يجمدها يعني Coagulase negative

* لكن لو جمدها كان بقا Coagulase positive وده معنى ال Coagulase test

كنا بنقول ان Clumping & Coagulase factors are the most important

methods of identification of S.aureus. لأنهم مش موجودين

عند ال other Staphylococci

ال CoNS تشمل عائلتين كبيرتين: -

اول واحد هو ال S.epidermidis :

لما هي epidermidis :

يبقى من اسمها عايشة على الجلد

الMorphology:

بتبقى Similar to S.aureus في كل حاحه لكن :

في ال Culture characteristics:

*لما أزرعها بتدي white colonies مش golden yellow

*Non hemolytic مش بتعمل hemolysis as S.aureus

*Mannitol non fermenter

لأ تعالى اقف بقا هنا يبقى الخلاف مش في ال morphology الخلاف في ال Culture characteristics صح ؟!

افتح دايمًا الأطلس وانت بتذاكر تلاقي الدنيا اتسهلت اوي:

-نص على الصورة ال S.aureus لون ال colonies is golden لكن في ال epidermidis is white

-ومفيش أي change on blood agar حوالها لكن ال S.aureus هتلاقي complete hemolysis clear zone حوالين ال organism

-نص بقا على طبق ال Mannitol salt agar قسمناه نصين وزرعنا في نص الطبق S.aureus وعلى النص الثاني S.epidermidis .

نص ع النص الثاني هنلاقي لسه لون الطبق زي ما هو لكن ال aureus بت ferment the Mannitol فتطلع acids غيرت لون ال media للون الأصفر
الطبق ده مهم جدا في العملي وبنمتحنك عليه حتى في الباوربوينت هيجيبهولك عارفين نظام
اني اشيل ال labels اجيبلك الطبق واسمه واقولك النص ده 1 والنص ده 2 واقولك ال organism رقم 1 مين وليه . فهمت ازاي؟! احنا فوازي رنا كثير ومحتاجه بس فهم

تعالى نروح بقا لل virulence factors of S.epidermidis :

عندها اتنين مهمين جدا

الأول واحد اسمه glycocalyx مين ده؟!

ده اللي كان مع ال capsule في ال General كان extracellular polysach. Polymer

meshwork fibrils كان وظيفته ال Attachment

ماهو ده المطلوب ال organism يطلع extracellular polysach. Polymer that enable it to colonize

هيي colonize من؟!

لما يكون ال organism ضعيف ومعدوش غير وسيلة لل attachment ، شوف بقا البكتيريا الذكية ده لو هيروح ي colonize في normal tissue ال phagocytosis &

defensive mechanisms يمنوعه يروح يتشطر على بص كده ال prosthetic device

الكلمة دي مهمة جدا

مش في البني ادمين بركبلهم حاجات صناعية زي joints أو حاجه فالعضم زي nails وحاجات كتير؟

مش الحاجات دي مفيهاش immune system ؟

هو أنا لما أركبك حاجه بلاستيك أو حاجه صناعية جوه جسمك اكيد مفيهاش immunity يقوم ال organism يتشطر على الحاجات الصناعية دي اللي هي التراكيب يعني وبعدين ؟ ال glycocalyx في حد ذاته لما عمل attachment هتساعد ال organism على انه يعمل virulence factor تاني مهم جدا

اللي هو ال Biofilm

مش ال glycocalyx دي polysach . ؟

فتعمل matrix يؤدي الى ما يعرف بال biofilm

Bio يعني biology film يعني layer

يعني layer متجمعة فيها كائنات مختلفة

تعريف ال biofilm مهم جدا :

هو aggregation of microorganisms له صورة في الأطلس وال cells adhere together بس في ال matrix معمولة من polysach. اللي تسبب فيها ال glycocalyx

بيبقوا **Adhere & embedded within the matrix**

بقولكم لازم تفتحوا الأطلس وأنتم بتذاكروا

((الشرح على صورة فالأطلس))

ال organism يبدأ attachment بعدين colonize وكتر اوي فيعمل ما يعرف ب matrix لما نيجي نشوف تفاصيل ال matrix كل دائرة هتمثل organism والبكتيريا هتبدأ adhere together طب ايه ال support او الدعامة اللي هم ماسكين عليها ؟!

هي ال background اللي معمولة من polysacch.matrix

يبقى هم منغمسين في مادة مساعدهم على انهم يبقو مسكين ومدياهم دعامة ويمسكوا مع بعض وdivide براحتهم

طب ليه اعتبرناها virulence factor ؟

لأنها :

* Protect the organism from the host defenses يعني هتمنع وصول ال Abs لل

organism كأنه محاط نفسه ب capsule

* تمنع بردو ال antitheptics & detergents من الوصول اليهم

حتى هيقاوموا ال antibiotics ؟

اه يبقى بتحمي ال organism من حاجات كتير في الطبيعة من ال antitheptics وجوه

الجسم Abs & Antibiotics

* ناهيك عن ايه بقا بكتيريا اتجمعوا يقوموا يتبادلوا مع بعض الخبرات يعني ايه ؟

بص كده متجمعين في مكان واحد ماتيحي DNA exchange مع بعض

أنا عندي plasmid طب متاخذ منه نسخة وانت عندك plasmid متديني منه نسخة ((استبدال جينات)) طب وده يؤدي لايه ؟
 يا سلام لو gene منهم كان بي code for drug resistant يبقى انتقلت الـ Drug resistant among them
 يبقى دي احدى وسائل انتقال Drug sensitivity among bacterial :
 وجودهم في مكان واحد ووجودهم على matrix واحدة اسمها BIOFILM

فالبكتيريا المختلفة «كائنات biological» مع مواد biological زي polysacch. اتجمعوا وعملوا طبقة وعملو عليها aggregation وهنا بيحموا أنفسهم من الـ host defensive mechanism وبيتبادلوا انتقال genes فيما بينهم واضح يا جماعة؟

يعني هل ينفع يعملو diseases؟!

S.epidermidis تعبر من الـ normal flora والـ carriage rate بتاعها يصل الى 100% أي واحد فيكم دلوقتي اخد مسحة من على جلده وازرع هلاقي عنده S.epidermidis عنده فهي part of normal flora فعشان كده كونها بتعمل disease حاجة صعبة صح؟!
 احتمال قليل بص بقا هتعمل disease امتي:-

*معظم الـ diseases هتبقى endogenous:
 يعني أنت تبقى المصدر ، ما اذا كانت على جلدك كله يبقى مش محتاج حد تاني ينقلها لك وان كان ممكن تيجي من person to person by direct contact يعني انت عندك جرح مثلا وانا عندي S.epidermidis ممكن انا اوصلها لك وان كنت أنت مش محتاجني بس وارد يحصل يبقى ده mode of transmission
 ايه بقى الـ diseases اللي ممكن تحصل ؟!

-: Device related infections

طلما بركب الجهاز ده ومفيهوش immune system يبقى هي رقم واحد ... استرة مثلا هي تعيش عالاسترة وتعمل biofilm طب وبعدين؟!
 الـ biofilm لم الـ organisms كتر بعد كده فممكن ينتقل للـ adjacent tissue يعملك فيه مشاكل ، هي بتبدأ في الـ device صحيح حيث مفيش immune system تقوم تكثر وتعمل biofilm حيث تقدر تهاجم

في prosthetic valve:

مش انا بركبك صمام فالقلب هي هتcolonize الصمام دوة وبعدين منه تسرح على الـ normal valve tissues تقوم تعمل endocarditis صحيح subacute لكن بردو endocarditis حالة خطيرة مش سهلة !
 الـ prosthetic joint infection ركبت ركبة صناعية مسكت الأول في الجزء اللي الـ non living بعدين عملت colonization وصلت الـ biofilm ومن هناك ممكن تاخذ الـ adjacent normal tissue تمام

من الأسترة بقا اركبها تروح داخله على urinary tract epith. وتعملك urinary track infections ايه المانع؟!

ايه ثاني كمان؟!

Surgical wound infections:

خصوصا في الناس الي immuno-compromised انا فتحت فتحة في الجلد تقوم ناطة عالجرح

يبقى diseases are :-

Urinary track & surgical wound infections

تطور بدل ماهي device related infections تصل لل normal adjacent tissue تكثر في الأفراد ال immuno-compromised

ال laboratory diagnosis بتاعها :

بنمشي على نفس ال line بتاع ال S.aureus

طالما حسيت كده ان المتحن بيكروتك يبقى عاوز يقولك مش مهم أهو يقولك similar to S.aureus يعتمد على ال morphological & culture characteristics بس النقطة المهمة هي **it's sensitive to novobiocin**

ال S.epidermidis is novobiocin sensitive احفظها صم واحنا مع بعض هنا متستناش تروح البيت

عارف ليه ؟!

عشان هو ده ال test الوحيد تقريبا الي هفرق بيه بين ال S.epidermidis & S.saprophyticus

انزل كده نفس الصفحة كده لحد ما تلاقي ان S.saprophyticus is novobiocin resistant وبرزو الكلمتين دول هقولك السؤال من دلوقتي فاكر الحصة الي فاتت بدأناها بسؤال عام

Mention one test that can differentiate between each pairs & mention its -:result

في الأول كنت فاكره سهل ايه يعني ال catalase او ال coagulase ومعروف مين positive ومين negative بص بقا لما الدنيا تتصعب

-:Staph & Strept

ال catalase

Positive with Staph

Negative with Strept

S.aureus & S.epidermidis

Coagulase JI

Positive with aureus

Negative with epidermidis

S.epidermidis & S.saprophyticus

novobiocin

Sensitive with epidermidis

Resistant with saprophyticus

: Treatment

بقا علل : علاج epidermidis غاية في الصعوبة ؟

-هي بنفسها multidrug resistant

-الbiofilm بتغطي نفسها بيه لما تعمل infection هيحميها من antibiotics:

ناهيك عن انها multidrug resistant وجودها في الbiofilm يمنع antibiotics انها
توصل ليها كأنها SEQUESTER الكلمة دي مكتوبة عنكم فالكتاب يعني عاملة استغماية
مستخينة جوة الbiofilm عشان antibiotics متوصلهاش بدرجات عالية

((واحدة بتسأل ايه هو glycocalyx))

{جزء من الstructure of bacterial أقرب للcapsule لكنه modified شوية عامل fibrils
خارج من الcell wall على شكل network or meshwork ببساطة كده}

علاجها في منتهى الصعوبة لو الS.epidermidis عاملة colonization على prosthetic
device عملت extension وصلت للنسيج وعملت فيه أعراض باخد antibiotic ممكن
تخف من النسيج لكن مصدرها موجود على الdevice زي ماهو
يبقى علاجها غاية في الصعوبة لأنها :-

Multidrug resistant بطبيعتها عشان كونها عايشة على الجلد فكل antibiotic داخل
خارج بيعدي عليها فهي في الآخر هتبقى كده . يعني مكان وجودها خلاها تستشعر ال
antibiotic في كل الأحوال وتبقى resistant بطبيعتها
ناهيك بقا انها بتعمل biofilm

S.saprophyticus

نروح بقا على الS.saprophyticus كلمة saprophyt يعني organism مش محتاج
living host من اسمها تبقى عايشة في الenvironment في التربة والهواء والمياه
هل ده يمنع انها تعيش عالجده؟!

لأ طبعاً: في الأرياف يملو المياه من المياه الراكدة من طرمبة أو ترعة ويحطوها في صفايح

ويستعملوها في washing يستحموا ويتشطفوا بيها فالorganism already موجود في المياه لأنها كانت مياه stagnant أساسا فبقى موجود على الجلد. أنا بقول كده عشان أقربلك الصورة عشان هتعرف ان أهم infection بتعمله جاي من القصة دي .

بص كده Morphology & culture characteristics :

are similar to S.epidermidis

وهيبقى في الآخر الفرق الوحيد بينهم هنعرفه **resistant to novobiocin**

الدiseases اللي بتعملها:

بص كده هحكيلك قصتها تاني :

عايشة في المياه والهواء والsoil لأنها saprophyticus

طيب بتcontaminate مياه الأرياف حيث مفيش water running facilities يعني

صفايح المياه اللي بيحوشوا فيها المياه في الحمام وهم بيتشطفوا بيها يبقى أصبح ال

organism موجود على جلد الشخص صح؟!

أيوه وخصوصا بقى منطقة التشطيف اللي هي perineum تخيل أصبح organism

موجود على المنطقة دي منطقة الحوض، يقوم بعمل أشهر infection وهي **urinary**

tract infection

وخصوصاً في young females اللي لسه متجوزين قريب اللي هم بيقلو عليهم sexually

active females عروسة جديدة بقى فيقوم يحصل مع intercourse الكثير عشان كده

حتى urinary tract infection.

في هذه الحالة يسموها honeymoon cystitis:

الorganism وصل من environment للجلد ومن الجلد by intercourse

طب يبقى مصدر العدوى فين؟!

هل disease ده sexually transmitted ؟

لأ يا حبيبي معنى Sexually transmitted يعني:

organism that secreted in semen or vaginal secretions. زي اتنين خدناهم في ال

virology اللي هم HIV والHepatitis مش كده؟!

طب لما اجي هنا لأ دي mechanical :

كأنك بتintroduce organism من على الجلد بتاع perineum الى داخل vestibule

وبالتالي ياخذ سكتة الى bladder لكن ده مش sexually transmitted disease

أومال ايه الsource of infection بيسموه ايه هنا؟

يسموه **endogenous** طب تعالى من الأول بنقدملك حاجات هتتكرر معنا .

معنى endogenous infection :

يعني organism منه فيه من الشخص نفسه قولناها في epidermidis .

طالما organism موجود عند الشخص وانت بس ساعدته انه يدخل يبقى مصدره

الشخص نفسه يبقى اسمه endogenous infection وان كان ممكن ييجي من شخص
 اخر لكن ده very rare اللي هيجيلو epidermidis مش مستني شخص جديد يجبلو ال
 disease لأنه منه فيه

حلو يبقى لما أروح ثاني أهو:

للhoney moon cystitis علل ليه بتحصل؟ وليه في الyoung sexually active females ؟

لأن الorganism موجود على الجلد والintercourse الزيادة في هذه الفترة يساعد ال
 mechanical introduce of the organism الى داخل بداية الurethral meatus ومنه
 يسحب على فوق للbladder يعمل cystitis وأدي endogenous infection
 ممكن سؤال يجي اخر السنة تجميعات :

-: All the following infections may be endogenous except

أو One of the following diseases is endogenous

يبقى دايمًا الmode of infection انا اجمعه كده في ورقة لازم يبقى عندي كشكول كده
 اعمل فيه جداول واحنا كل شوية مع بعض نعمل تجميعات واقولك التجميعات الفولانية
 حاجه كده نضيفها أول بأول ان شاء الله

:diagnosis

:Similar to Staph epidermidis. except in being
 ,novobiocin resistant-

يبقى العلاج الامثل:

ليها نعالجها بالQuinolones

نهينا الstaph بفضل الله

س: بدل ما انا مركز مركز على الادويه اللي بتشتغل على
 الcell wall ما اشوف ادوية ليها target ثاني؟

ج: انه bactericidal ماشي ايه ثاني, شوف حجم الpeptide كام في الgram positive
 organism نص الthickness بتاع الcell wall

نروح لشابتر 3 و عنوانه ال:

STREPTOCOCCUS

نبدأ بالgeneral characters

:morphology

Gram positive cocci arranged in chains\pairs -

الغالبية من العيلة chains وهنقول استثناء واحد pairs فى اخر الشاير, اوعى تنسى المعلومة دى كان عليها درجتين اخر السنة اللى فاتت

catalase negative -

Catalase test is a key test for discrimination streptococci from the catalase positive staphylococci

انتبهوا ايها الساده معلومه مهمه

الصفة الثالثه فى عيلة الstrept. يا شباب انها:

: fastidious

يعنى انف ميكلوش فول مدمس

الsimple media : فى مقام الفول المدمس, الغالبية ياكلوا فول مدمس لكن يجى واحد يقول لا انا عاوز بيض , بسطرمة, لانثون

نقوله يا اخى خليك متواضع , لو محطتش اللى هو طالبه يتقمص fastidious يعنى صام غضبا

فهنا الorganism لازم يgrow فى وجودenriched media يعنى فى وجود blood او serum

التلات مواصفات دول سؤال مهم M.C.Q

الorganism اللى اتعود يgrow على simple media لو حطيته على enriched media يgrow عادى لكن الsterpt. لازم enriched media

وانت بتزاور vol. 2 خلى جبنك الاطلس

الmost important species فى العيلة و ان كان السطر دا مش لازم يستوقفك و تقعد تحفظ فيه لانهم جايين بالتفصيل عندى streptococcus pyogenes فى منتهى الاهمية , streptococcus agalactiae , streptococcus pneumoniae

طب عاوز افهم هما بيقسموهم according لايه؟؟

6 حاجات بس احنا رافه بيكم هنقول حاجتين بس للتقسيم

اولا :- their effect على blood agar

ف 3 effect مختلفين :-

- ال organism يطلع hemolysin و يكسر ال RBC و يعمل clear zone يبقى اسمه complete hemolysis و يرمز لها بالرمز β
- يطلع enzymes تحول ال Hb ل bile pigment يقوم يدي green color بس ميعملش lysis ويبقى اسمها partial hemolysis و يرمز لها بالرمز α
- ياما ميعملش ولا دي ولا دي يستخدم ال just grow , blood يبقى اسمه non hemolytic في الحالة دي
- عائله بتعمل complete hemolysis فنسميها Beta haemolysis
- عائله بتعمل partial haemolysis فنسميها alpha haemolysis
- و عائله بتعمل noo haemolysis فنسميها Gamma.
- الناس اللي مش فاهمه: أنا بجيب organism من اللي بيعمل complete haemolysis و نحطه ع blood agar راح ال organism طلع hemolysin كسر ال RBCs و بقيت الحته اللي حولين ال organism شفافة ، و برضو ال organism اللي بيعمل alpha haemolysis وده بيعمل لون اخضر partial haemolysis انما ال gamma مش بتعمل حاجه خالص .
- امبارح واحد بيقولي سبحان الله يعني البكتيريا هي اللي بتعمل حرف alpha و beta يعني البكتيريا بتعرف تكتب ؟
- سبحان الله برضو بس لا ده track طريق احنا اللي بنكتبه والبكتيريا بتمشي عليه

ال strept مدوره عشان cocci والحرف الخارجي هو ال cell membrane والجزء الأساسي منه هو ال peptide glycan و بقيت ال cell membrane ف ال gram positive bacteria عباره عن teichoic acid وهنا معاه شويه lipid فاسمه lipoteichoic acid وده عشان لما نيجي لل virulence factor تبقي عارف الكلام ده فين .

بصوا يا ولاد الصوره دي موجوده ف كتاب الاطلس في كذا حته فاضيه بين ال capsule وال thin wall اكتشفتها عالمة واحده ست female اسمها lancefield ولقيتها CHO in nature وبصيت لقيتها بتختلف بين كل strept فاستخدمتها ف التقسيم وسمتها:

: lancefield classification

و بتعتمد ع ال CHO antigen اللي موجود ف هذه ال layer ، يبقى احنا كذا بنقسم ال strept علي حسب ال effect بتاعها ع ال blood agar و برضو بنقسمها ع حسب lancefield ، lancefield قسمت ال strept ف مجموعات من A TO U وسمتها lancefield groups .

يجيلك السؤال هنا عباره عن MCQ يقولك lancefield classification بتعتمد علي ايه ؟
ويديك اختيارات كتيره الاجابه الصح هيا بتعتمد ع ال CHO antigen

دلوقتي نا ممكن احقن ال CHO antigen ف حيوان فيكون ضده antibody اجمعهم واحطهم ف ازازه ويبقى عندي antibody ضد جروب A واعيد الموضوع ده ع جروب B,C وهكذا لحد ما احصل ع antibody specific لكل جروب .

Antibodies against these group antigens are used for identification of strept species

Group A beta haemolytics streptococci(:streptococcus pyogens)

هنروح لأول جروب وتناوله: BETA haemolytics streptococci
اول واحد هو من تقسيمه beta haemlytics وبرضو من تقسيمه lancefield فهو group A

يبقى اسمه بصو الاسم طويل ازاي Group A beta haemolytics streptococci ولقناه بيعمل pus فسمناها:

: streptococcus pyogens

لانه ب characterized by pus formation

هنتكلم عن ال morphology :

متبصش ف الكتاب وقولها لي وانت مغمض gram positive cocci arranged in pairs or chains

نيجي برضو لل cultural characters :

وبرضو من غير ما نبص ف الكتاب هو beta haemolytics اللي بيتزرع ع blood agar وده اللي واضح من اسم العائلة Beta haemolytic strept ولحظة كدا انا مجبتش سيره انه facultative anaerobe ولا لا ..خد دي قاعده معظم البكتيريا اللي ف volume 2 are facultative anaerobes في معلومه بتقول ان strept pyogens inhibited by bacitracin هنا جله شويه مش دلوقتي

تعالوا نروح لل virelance factors :

وزي ما احنا عارفين كل virelance factors يبقي ليها قصه Organism عاوز يوصل ل target يبقي attach يبقي هيعمل adherence ب كل الوسائل الممكنه: هيلزق بيروتين موجود ع الغلاف الخارجي بتاعه اسمه M protein نقف وقفه،

و نتكلم عن ال M protein شويه :

هو عبارته عن surface protein خدناه ف الجينيرال وقولنا عليه كلمه ؟

؟

هيا

ايه

antiphagocytosis بمعنى ان الstrep لديها common component تتعرف عليها phagocytic cell ولكن ف وجود ال M protein في حاله ال strept و ال A prtotein كما ف حاله ال staph يقدر يداري ال common component ، وبالتالي ال phagocytic cells مش هتقدر عليهم او ممكن يتغطي ب fibrin deposition وده ذكرناه ف chapter 10 الجينرال

ال M Protein طالع هنا بمنظرين:

- أول حاجه انه يساعد ال attachment وخلي ال organism يمسك ف host surface -والوظيفه الثانيه انه antiphagocytic وال M protein هو **the most important virulence factor** عشان كذا ذكرناه اول واحد

نخش ع الأصعب شويه زي ما ال CHO قسمت ال strept لجروبز ب lancefield برضو ال surface protin بتقسم ال strept pyogens ل typies كتيره حوالي 80 نوع 2 لان صاحب باللين كداب فال M protein بيعمل حاجتين في نفس الوقت لكن العامل الثاني المهم هو:

ال fibers of lipotechoic acid

يعني lipid ب techoic acid مخلوط ب

3 حاجه هو ال F protein:

اللي هوا fibronectin binding protein خلي بالك لان ف اللي staph اسمه fibrinogen binding protein بس مش F protein عشان منفصلش نعمل اختصارات كتيره متشابهه نيجي بقي لحاجه ثانيه وهي ال:

:factors of invasion

1:antiphagocytic factors

1. اول واحد فيهم هو ال M protein وده اللي لسه قيلنه من شويه.
2. ثاني واحد هو **c5a**:
- وده component بينده ع monocyte and macrophage عشان تاكل ال organism بس البكتيريا دي أذكي هتروح تكسره عشان ميعرفش ينده
3. ثالث حاجه يتبقي عامله زي الاستغمايه انها بتحاوط نفسها ب **hyaluronic acid** من برا similar not identical to host cell وهنعرف كمان شويه ليه similar Hide its own antigens and unrecognized by the host

2 عوامل invasive:

1. اول واحد هوا ال streptokinase او الاسم الثاني **fibrinolysin** : وده بيحول ال plasminogen ل plasmin اللي بيكسر ال fibrin وبنستخدمه ف heart

infarction ف اول ست ساعات،

اشمعني اول ست ساعات ؟

عشان بعد كدا الجلطة هتكون قويه فتنكسر لحتته كتيره وتبقي emboli ،

مين الاقوي ال streptokinase ولا ال staphylokinase ؟

ال streptokinase اقوي عشر مرات من ال staphylokinase

2. تاني واحد هوا ال streptolysin او الاسم الثاني ال haemolysin :

وده بيعمل poore forming toxins يعني بيخرم ال cell membrane .

وفيه منه نوعين:

1. streptolysin O :

وده Oxygen labile مش بيتحمل ال الاوكسيجين و highly immunogenic بيكون Ab ضده .

2. وتاني نوع هوا ال streptolysin S :

وده Oxygen Stable ومش immunogenic

3 other :

وهنا انا مغير الترتيب عن الكتاب ال other هيا الأول:

زي ال hyaluronidase و nuclease و streptokinase وديه spreading factors

تساعد علي الانتشار ع عكس ال staph الي local مفيش فيها spread

واحد يجي يسألني سوال كويس ازاي يبقي فيه hyaluronic acid وف نفس الوقت يبقي

عندها hyaluronidase ؟

وعشان كدا احنا قولنا similar to host cell not identical بمعني ان hyaluronic acid

شبه بتاع الجسم فمش هيعمل ضده antibody لكن ال receptor الي عليه الي بيستقبل

ال hyaluronic acid فيه mutation فمش هيعرف يكسر ال hyaluronic بتاع البكتيريا

لكن يعرف يكسر بتاع ال host cell

وهنا البكتيريا تفرح بالانتصار وتفرقع ازاي exotoxins ؟ الي هما A,B,C وكلهم بيعمله

fever ونكمل المره الجايه .